




Bista di Conchi for di direccion Daimari



ORANJESTAD—Conchi sin duda ta e atraccion mas grandi di Parke Nacional Arikok. Cu un average di bishita di 400 persona pa dia, segun e propio operadonan di tour, e ta nifica tambe un presion grandi riba e area cu ta keda den e zona protehi di Parke Nacional Arikok. Un zona cu desde 1997 a keda identifica como reserva natural y a haya su status legal como tal na 2000. Na 2004, Parlamento a bay de acuerdo pa traspasa maneho di e reserva natural pa e Fundacion Parke Nacional Arikok.

Conchi, Cura di Turtuga of Pool Natural ta keda den e tereno di Parke Nacional Arikok. Biologo y Ecologo di Parke Nacional Arikok ta mira e presion humano aki cu cierto preocupacion. “No ta pasobra e lugat eynan, automaticamente mester yen’e cu hende. Conchi ta bunita na momento cu tin poco hende. Te hasta ora tin 20 hende na e mesun momento eynan, ya ta hopi caba.” Marquez a haci un evaluacion riba e capacidad di carga di Conchi, pa asina bin un un maneho specifico pa e area fragil pero sumamente popular aki. Den e raport, ecologo Diego Marquez a duna un bista di e balor natural, ta describi e uzo actual y ta duna conseho riba e posibel rumbo cu por tuma pa maneha Conchi den futuro.

Formacion Conchi

Conchi a keda forma door di e tipo di piedra volcanico, Gabbro, cu casi no ta haya na Aruba. El a haya su forma pa motibo cu e piedranan ta haya nan sla di lama di tur banda. Antes e tabata yama Cura di

Tortuga pa motibo cu tabata obserba tortuganan den e pool. Sinembargo, ya esaki no ta e caso, aunke cu tin hopi pisca di cay den e awanan. Aunke cu no tin vegetacion, tin hopi bida rond di Conchi, manera lagadishi y insecto. Conchi ta keda den e area di parke cu na 1997 caba a keda identifica como un ‘luga keto,’ esta ‘stille gebied.’ Esakinan ta luganan cu tin baloran natural y cu por permiti recreacion na un forma hopi limita.

Uzo recreativo

Sinembargo Conchi ta un di e luganan mas bishita den Parke Nacional Arikok. Te hasta den avionnan ta pasa videonan promocional di Conchi. Ta trece bishitantenan den diferente forma, for di tournan di jeep safari, te den autonan priva, cu cabay y quadacer, tin biaha na pia of cu mountainbike. Banda di Natural Bridge, Conchi tabata pa hopi aña un di e principal atraccion. Operadonan di tour a bende Conchi como un atraccion cu no por keda sin mira y tabata uza e caminda di Shete pa yega mas facil, haciendo uzo di autonan grandi cu ta carga 8 pa 9 hende. Tin biaha ta bay cu tournan di 15 vehiculo pareu. Infraestructura pa yega na Conchi, tanto e caminda como e area natural a sufri hopi cu e trafico pisa aki. Y apesar cu e hinca miles di florin pa rasp’e awor, un yobida fuerte of trafico continuo di entre otro quadacers lo contribui na deterioro continuo. Di otro banda, e pool mes ta chikito, unda maximalmente 20 a 30 hende por ta den e awa



pareu. Esey ta e cantidad maximo, pero idealmente lo mester tin menos cu 20 hende den e pool cu no tur ora ta sigur. Tin cierto epoca di aña cu e lama ta asina duro cu e olanan por forma peliger pa personanan den Conchi. Si e intencion ta pa facilita hende pa yega Conchi, pues traha un bon caminda pa tur auto por yega, por spera cu mucho mas hende lo ta pareu na Conchi. “Cu 40 hende den e pool, ta con nan lo disfruta di dje? Den un discoteca, e capacidad di carga ta un cierto cantidad di hende riba un paar di meter cuadra. Pero, den un area natural, manera Parke Nacional Arikok, e capacidad di carga ta apenas algun hende den varios decena di meter cuadra. Esey mester tene cuenta cu n’e. E lugat aki no ta un Disney land, e ta un area pa yega na un cierto descanso, paz. Mas hende cu trece, menos paz ta haya,” ta e comentario di Diego Marquez.

Bestianan trapa

No ta cuestion di stop operadonan di tour pa hiba turistanan



Potretnan di e caminda di Shete pa Conchi

por yega facilmente. Ademá, un caminda den un reserva natural semper ta forma peliger pa e bida natural. E ta forma un barera, cu

por trece problema. “Vooral den oranan di mainta y atardi, bestianan ta gusta subi riba e camindanan aki. Por ehempel Cascabel. Hopi biaha nos a

haya Cascabelnan trapa door di auto. Y mas miho e caminda, mas facil e ta pa trapa e Cascabelnan aki.”

CELEBRA DIA DI HYMNO Y BANDERA



La Vista dinner special

60 FLORIN
pa persona



Diabierna dia 18 di Maart | 5:30 pm - 10:30 pm
Dinner buffet ta inclui: Beef ossobucco | Chicken with crab | Pizza
Tenderloin | Pasta station | Seafood chowder soup | Dessert station



Mester ta residente di Aruba cu muestra di ID valido pa obtene e special menciona. Valido solamente riba Diabierna dia 18 di Maart, 2011. No mester haci reservacion di antemano. Situa na Aruba Marriott | 520 6601.

www.pwc.com/dutch-caribbean

A unique business opportunity in Aruba



pwc

Building details:
Ground floor 4,440 m²
First floor 3,747 m²

Additional warehouses*:
Warehouse 1 1,714 m²
Warehouse 2 976 m²
Warehouse 3 1,399 m²
Warehouse 4 904 m²

*Not included in asking price

Conditions:

- As is where is.
- All reasonable offers will be considered.

Buy this multi-purpose building with potential to reconfigure as a mall, office space or wholesale. Ideally situated at an upcoming business area in Aruba. With the possibility to buy additional warehouses.

Reduced asking price!
AWG 7.5 Mln.

For more information about this unique opportunity call or email Ruben Goedhoop at +297 522 1647 or contactus.aruba@an.pwc.com.